

金石萃編

第一函
五冊

鄭氏藏書

PDG

金石萃編卷八十三

賜進士出身

誥授光祿大夫刑部右侍郎加七級王昶撰

唐四十三

貞和上塔銘

石橫廣四尺四寸高二尺三分
二十行行十四字隸書在汝州

大唐開元寺故禪師貞和上瑤塔銘

吳氏



者定之緣利緣舍起故復居此窟茨廡藥蔬之妙受谿
篁颿捌之勝塵可略言矣前刺史故丞相齊公崔日用
吏部尚書李暘皆頂奉山字斯豈麤道歟然而口熊軾
矩龍宮紆紫綬稽紆口口以惕凡庶之見聞兆昏蒙之
口嚮口以開元十三年九月十八日口滅于開元口舍
春秋八十有四物慘煙雲哀纏黑白塗口鄖泣人到于

今僧弟子宗本覺枝外茂口性內融三晉公侯旋師于
夏伯喈墳籍悉付仲宣痛微言之絕聆感星躔之易次
遂爲銘曰

圓凝寂體兮邈彼真如口口無明兮儻若蘧廬慈梁過
駟兮歲月其除松栗窅冥兮宛此幽居

開元貳拾陸年七月十五日弟子宗本爲 亡和上

敬造此塔

碑云禪師諱貞茲郡京兆人也京兆郡名上云茲郡
者其義不可詳或唐以洛爲東都亦可稱京兆歟又
云俗姓張氏自輪奐規唐貂蟬蔚漢姜宋募齒袁揚

前倫規唐猶云規晉姜宋蓋謂姜望宋微子袁揚蓋
謂袁安揚震也又有前刺史故丞相齊公崔日用吏
部尚書李暉皆頂奉山字云云按崔日用李暉劉昫
唐書有傳真禪師者駐錫風穴山嘗習衡陽三昧其
化大行一夕溘然示寂守宰李暉閣維之得舍利千
粒明皇謚爲七祖碑隸書甚劣惟用肯爲前卽弄字
之省用已爲以尚有古意年號貳拾陸字用代二十
六與五經文字九經字樣同餘碑少見

中州金石記

按碑云前刺史故丞相齊公崔日用吏部尚書李
暉舊唐書崔日用傳中宗暴崩韋庶人稱制元宗



將圖義舉日用密詣藩邸潛謀翼戴及討平韋氏
以功授銀青光祿大夫黃門侍郎叅知機務封齊
國公爲相凡餘停知政事出爲荊州長史尋拜吏
部尚書出爲常州刺史轉汝州刺史事在開元七
年前新書同舊書李暉傳暉淮安王神通元孫開元
初授汝州刺史拜工部尚書東都留守二十一年
以金城公主在蕃充入吐蕃使奉使稱職轉兵部
尚書不云其爲吏部惟新傳云以奉使有指再遷
吏部與碑合蓋舊傳誤也

任城縣橋亭記

碑連額高八尺八寸廣三尺二寸五分二十行行四十一字
寧州學泮池東
普額題在城縣橋亭記六字篆書今在濟

橋亭記

將仕郎守尉游芳簪文

朝散郎行尉華容縣開國男瑯琊王子言書

唐再受命能事備於開元乃十有三季告成於僖

翠華之往也則北巡濟河

玉軼之旋也

則南指陳宋故

行宮御路次夫任城焉陽門橋

者跨泗之別流當魯之要術初隨時以旣濟因

大駕而改功觀其壅川爲池因地設險削金堰於

馳道甃石門以飛橋夾以朱欄揭以華表炳若星漢
拖如虹蜺

乘輿乃曰陽朝

御六龍翊萬騎聲明紀律文物比象迺

睿覽於洲渚駐

天驛於川梁先時望

之厥後榮

君之顧也則浚池以廣之

築館以旌之經始茲宇惠而不費當儲峙之末有芻粟
之餘散之則人獲壹錢鳩之則動以千計請爲亭館以
壯橋池故鄉老老白於吏邑吏謀於府因人之欲得事
之宜磬鼓不勝工力徒競轡爲層構在水之陽壓鮮原

以迴出流占墉而却倚危欄巘二反宇峨峨勢搖煙潭
岌若飛動南軒虛明以晃朗北室懿澹而清泠自堂徂
亭邐迤幽徑上覆蔭蔭前臨芰荷憑高佇目萬象皆見
夫河南之勝有三橋亭得其一梁園有梁王之迹圃田
有僕射之陂平池曲榭美則美矣豈與夫島嶼開合林
嶂蔽虧芴薄大荒吐納霞景畫橋南度像清洛之規虛
館口臨叶滄洲之趣有是夫有是夫任風姓之國也謠
俗古遠其太昊氏之遺人富而教之合於魯頌當

太平無事而朝野多歡不然者此池何以得花縣之
名吾竊何以得仙舟之目不其猝而時則有若 邑大

夫滎陽鄭公延葉信昭盈在道契虛舟禮樂之行仁德
歸厚 丞范陽盧瓚 主簿平昌孟景 尉瑯琊王于
言 尉河東裴迥皆士林英華學府金碧能勤在公之
節無廢會友之文嘗授簡於芳以爲之記會芳有公車
之召請俟於異時金鄉尉潁川韓邠卿舍於裴氏言於
衆曰游子之讓斯文以諸公在此諸公之意也予何辭
焉因命秉燭俾芳操翰夜而成記翌日遂行開元廿六
年秋七月旬有四日云

大唐開元廿有六年閏八月五建

通宣郎行方與縣尉王日雲篆額

金石錄卷八十三
五
□橋□劉遇 薛遂之

右橋亭記此唐碑之佳者趙氏金石錄載之予兩次
撫搨附作釋文碑內軟音副棗音乘呂卽以字反卽
坂字甘音入俗讀念非至於空格多寡皆指君上及
服御之類差等也可知唐時書碑之規制溯自開元
至今已及千年雖幸未損亦漸漫漶當移列門下以
蔽風雨庶不至剥落焉

濟寧州志
附張昭跋

記文敘開元十三年告成於岱元宗紀十一月庚寅
封於泰山是也其云翠華之往則北巡濟河玉軼之
旋則南指陳宋唐時東巡途次猶可案指又云陽門

橋當魯之要術術卽遂二字古通用唐人臨文推崇
本朝輒用空三格或跳行書之此碑獨叢雜有空三
格四格六格七格十格不等莫詳爲何意

授堂金石跋

右碑後列銜名有尉河東裴迴唐書宰相世系表稱
迴司封貢外郎亦見地里志河南有伊水石堰天寶
十年尹裴迴置卽其人也

山左金石志

按此碑今露立於濟寧州學泮池之東張氏謂當
移列門下者指學宮戟門下可與漢魏五碑並列
也今視戟門其地亦不能容欲加護惜當別籌位
置之方矣橋亭記本非州學所有碑稱陽門橋者

跨泗之別流當魯之要術則此碑當立於陽門橋
不知何年移來州學而濟寧州志又不載陽門橋
無從攷其碑之所在碑云翠華之往北巡濟河玉
軼之旋南指陳宋行宮御路次夫任城是時元宗
登岱迴輦而南以道里言之當由曲阜滋陽一路
南抵任城攷兗州府志泗水出泗水縣東五十里
陪尾山西南經卞橋下又經其縣北又西過曲阜
縣又西至府城東五里金口牖俗所謂黑風口也
隋文帝時沂泗南流泛濫大野薛胄於二水之交
積石堰之決令西注陂澤以溉良田號薛公豐堯

渠元至元二十年開會通河乃修薛公舊堰爲滾
水石壩以引泗水入運河以意度之所謂二水之
交卽碑云跨泗別流也陂澤漑田卽碑云壅川爲
池也積石堰之決令西注卽碑云削金堰於馳道
甃石門以飛橋也蓋隋時作堰至唐時改功而陽
門橋當在兗州府城東五里金口牖宜濟寧州志
所不收而事逾千年橋亭久廢故兗州府志亦不
敘及也碑額稱任城者想在唐時任城疆域甚廣
橋亭所在已屬任城境也碑中玉軌之軌廣韻特
計切音地正韻度奈切音大未有音副者張氏所

金石錄卷八十三
云恐誤也碑文王玉二字皆作玉而州志釋文誤
於玉軟之玉亦作王不知玉軟出離騷齊玉軟而
並馳是也王軟則無出矣文中人獲壹錢之人字
脫落旁注下文鄉老疊寫老字可見古人書碑之
例不拘如此虛館下一字碑已磨泐張氏釋文作
虛館肇臨今姑闕之不其粹而句義難曉粹字碑
泐其大半而影迹猶存姑依張氏所釋錄之

元宗御注道德經

石約高一丈八尺八面面廣一尺七八寸不等前三
面分三截上截額題太上皇元皇帝道德經及大唐
開元神武皇帝注共十八字六行行三字正書次截
敕文三十行行七字下截經文各十一行行九十九

字四五六七三面皆十一行行一百十九字其注每
經文一字皆雙行寫作四字後一面上截行六十字
下截列各官姓名
皆正書在易州

勅昔在元聖強著靈言權輿貞宗啟迪來裔遺文誠在
精義頗葩振其指歸雖蜀嚴而猶病摘其章句自河公
而或畧其餘浸微固不足數則我靈元妙旨豈其將墜
朕誠寡簿嘗感斯文猥承有後之慶恐失無爲之理每
因清宴輒叩麤關隨所意得遂爲箋註豈成一家之說
但備遺闕之文口茲絕筆是詢于口公卿臣庶道釋二
門有能起予類於卜商鍼疾同於左氏漱於納善朕所
虛懷苟副斯言必加厚賞且如諛神自聖率非此流懸

市相矜亦云小道既其不諱咸可直言勿爲來者所嗤
以重朕之不德

開元廿年十二月十四日

經文附刻是書後不錄

開元廿六年歲次戊寅十月乙丑朔八日壬申奉

勅建

正議大夫使持節易州諸軍事守易州刺史兼高陽
軍使賞紫金魚袋上柱國田仁畹奉 敕立

朝散大夫守易州別駕上柱國周憲

太中大夫行長史兼高陽軍副使上柱國鄭景宣